

Broj: 03-04-695/24  
Sarajevo, 13.05.2024. godine

**PARLAMENT FEDERACIJE BOSNE I HERCEGOVINE**

**Dom naroda**

n/p gosp. Izmiru Hadživdiću, tajniku ✓  
n/p gosp. Armanu Zalihiću, izaslaniku

Predmet: Odgovor na izaslaničku inicijativu

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 14-05-2024			
Org. jed.	Broj	Priloga	Vrijednost
05/2	-02-	159	124

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br: 27/03, 21/09 i 24/20), u privitku Vam dostavljam akt Federalnog ministarstva pravde, broj: 02-45-1457/24 od 16. travnja 2023. godine, koji se odnosi na izaslaničku inicijativu, koju je podnio izaslanik Arman Zalihić.

S poštovanjem,



Privitak: kao u tekstu

Broj: 02 – 45 – 1457/24  
Sarajevo, 16.04.2023. godine

FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
SARAJEVO  
N/r Gđa. Edita Kalajdžić, tajnik Vlade

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

Organizaciona jedinica	Klasifikaciona oznaka	Redni broj	Broj priloga
03-04-	695/	2024	

**PREDMET: Odgovor na Inicijativu, dostavlja se**  
**VEZA: Vaš akt broj: 03-04-695/2024 od 05.04.2024. godine**

U svezi sa aktom, broj i datum veze, kojim je Federalnom ministarstvu pravde upućena inicijativa izaslanika u Domu naroda Parlamenta Federacije Bosne i Hercegovine, gospodina Armana Zalihića, za donošenje Zakona o novčanoj naknadi žrtvama kaznenih djela, dajemo odgovor kako slijedi:

Ustav Federacije Bosne i Hercegovine („Službene novine Federacije BiH“, br. 01/94, 13/97, 16/02, 22/02, 52/02, 60/02, 18/03, 63/03, 09/04, 20/04, 33/04, 71/05, 72/05, 32/07, 38/08, 79/22 i 31/23) u svezi sa podjelom nadležnosti između federalne i kantonalne vlasti razlikuje isključivu nadležnost Federacije Bosne i Hercegovine (u daljnjem tekstu: Federacija), podijeljenu nadležnost između Federacije i kantona, te isključivu nadležnost kantona. Kao jedna od isključivih nadležnosti Federacije propisano je suzbijanje terorizma, međukantonalnog kriminala, neovlaštene trgovine drogom i organiziranog kriminala (članak III. 1.). Ustavom Federacije propisano je nadalje da kantoni imaju sve nadležnosti koje nisu izričito povjerene federalnoj vlasti (članak III. 4.).

Europska konvencija o obeštećenju žrtava kaznenih djela nasilja, koja je u odnosu na Bosnu i Hercegovinu stupila na snagu 2005. godine („Službeni glasnik BiH“ – Međunarodni ugovori, broj 04/05) usmjerena je na rješavanje položaja žrtava zločina nasilja počinjenih s namjerom, koje su pretrpjele tjelesne ozljede ili narušenje zdravlja, te uzdržanih članova obitelji osoba koje su umrle od posljedica takvih kaznenih djela, a iz razloga postizanja većeg jedinstva među članicama Vijeća Europe, pravičnosti i društvene solidarnosti. Bitno je napomenuti da relevantna pravna stečevina egzistira i na razini Europske unije: Direktiva Vijeća 2004/80/EZ o naknadi žrtvama kaznenih djela koja propisuje dužnost država članica da u nacionalnim pravima uspostave sustav osiguravanja pravedne i primjerene naknade za žrtve kaznenih djela počinjenih s namjerom, te Direktiva 2012/29/EU o uspostavi minimalnih standarda za prava, podršku i zaštitu žrtava kaznenih djela kojom se nastoji osigurati zajednički minimalni set pravila o zaštiti žrtava kaznenih djela, posebnu u pogledu prava na informaciju i naknadu štete.

Imajući u vidu izloženo, potrebno je uzeti u obzir da je potpisnica Europske konvencije o obeštećenju žrtava kaznenih djela nasilja država Bosna i Hercegovina, te obveze preuzete ovom konvencijom primarno predstavljaju obveze države.

Pored toga, država Bosna i Hercegovina titular je međunarodno - pravnog subjektiviteta i u kontekstu procesa europskih integracija i usklađivanja domaćeg zakonodavstva sa pravnom stečevinom Europske unije. S tim u svezi, nepobitna je činjenica da je uspostava mehanizma obeštećenja žrtava kaznenih djela nasilja jedan od izazova i ciljeva koji Bosnu i Hercegovinu očekuju u nastavku procesa europskih integracija.



Dostaviti:  
1. Imenovanom,  
2. a/a.